

Meclis-i Vükela Müzâkeratına
Mahsus Zabıtname*

Sıra Numerosu: 206

Zabıtname Tarihi:

21 Şevval 1340

18 Haziran 1338

Tebliğ Olunacağı Devair:

Nafia, Dahiliye, Ticaret ve Ziraat

Tebliğ Tarihi: 20 Haziran 1338

Hülâsa-i Meâli

Türkiye Sosyalist Fırkası tarafından tertib olunan programın ve 1 Mayıs 338 tarihinde Kâğıdhâne'de akd edilen miting mukarreratını havi varaka ve muhtıranın leffiyile fırka hey'et-i idaresi nâmi-ne reis-i müntehab Şâkir imzasıyla verilen arzuhalin tevdi'i üzerine Nafia Nezareti Vekâletine gelen 6 Haziran 338 tarihli ve 10 nümerolu tezkire-i cevabiye mezkûr isti'danâme ve melfunları ile beraber kiraat olundu.

Kararı

Vekâlet-i müşairileyhce dahi dermeyân kılındığı vechile mezkûr programda münderic mevadın bir kısmı kavanin ve teşkilât-ı esasiye-i devlet- ile gayr-i kabil-i telif ahkâmı ihtiva eylemekte olduğu cihetle bitabi şâyân-ı kabul ve tervic görülemeyüb ancak amelenin te'min ve muhafaza-i hukukuna ve terfih ve ıktarına taallük eden hususatın takdir ve tensibini lüzumuna ve bir de münhasıran amele umuruyla iştigâl eder eylevm bir makam-ı mahsus bulunmamasından dolayı amelenin metalib ve müstediyaı mümâsile-si üzerine tedkikat icrası dücâr-ı müşkilât ve teehhürât olmakda olub eğerçi bunun için bir daire-i mahsusa teşkili mesarif-i cediti istilzam etmesi itibarıyla hâl-i hazır hazineye göre muvafık değilse de bu işin taallük ettiği nezaretlerden birinin şubât-ı idariyesinden münâsibine tevdi'i suretiyle temini de kabil olacağına nazaran bu babda biletraf tedkikat icrasıyla bir proje tanzimi zımında Dahiliye ve Ticaret ve Ziraat Nezaretlerinden de intihab olunacak birer memurdan mürekkeben Nafia Nezaretinde bir komisyon teşkili muvafık-ı maslahat görünmüş olmağla mezkûr nezaretlere tebliğ-i keyfiyet olunması ve evrak-ı müzekkerenin nezaret-i müşairileyhaya tebliği tezekkür kılındı.

(Hey'et-i Vükela imzaları)

* Kaynak: BBA-Meclis-i Vükela Mazbataları, No. 224, 19 Haziran 1338.

Tunaya² II, s. 430-31